



Republika e Kosovës  
Republika Kosova  
Republic of Kosovo



Kuvendi i Komunës Kaçanik  
Skupština Opština  
Municipal Assambly  
- Komiteti për Politikë dhe Financa-

01Nr. 16-4955 //2016  
Kaçanik, 08.02. 2016

**RAPORT**  
**I KOMITETIT PËR POLITIKË DHE FINANCA,**  
**për vitin, 2015**

**Kaçanik, shkurt, 2016**

## Hyrje

Komiteti për Politikë dhe Financa (KPF-a) si trup i përhershëm punues i Kuvendit të Komunës, është formuar me Vendim të Kuvendit të Komunës 01Nr.16-2234./14 më datë: 31.01.2014, në përbërje prej 7 anëtarëve, e cila përbërje ka pësuar ndryshime në vazhdimësi.

KPF në vitin 2015, kishte këtë përbërje:

1. Xhelal Gashi, Kryesues sipas funksionit
2. Sabedin Vishi, anëtar,
3. Arbnora Kuka, anëtar,
4. Tahir Caka, anëtar,
5. Hajdar Loku, anëtar,
6. Selim Reka, anëtar,
7. Raif Kasa, anëtar.

Me Komitetin për Politikë dhe Financa, udhëheq Kryesuesi i Kuvendit të Komunës, Xhelal Gashi, sipas funksionit që e ka. Mandati i KPF-së është i lidhur me mandatin e Kuvendit të Komunës. Përbërja e Komitetit për Politikë dhe Financa, reflekton përfaqësimin e etniteteve politike në Kuvendin e Komunës.

Në ndërkohë, anëtari i KPF, Hajdar Loku, ofëron dorëheqje nga pozita e anëtarit të KPF, për shkak të kalimit të tij në subjekt tjetër politik, PDK, dhe ulësja e tij mbeti diskutabile se a duhet ta mbajë ky i njëjti këtë ulëse në KPF, apo i takon ndonjë subjekti tjetër politik. Për këtë çështje, Kuvendi i Komunës iu drejtua MAPL, me Kërkesë për konsultim paraprak, por nuk pati konfirmim nga ky autoritet, atëherë Kuvendi i Komunës me datë 31.07.2015, i mori veprimet e nevojshme për plotësimin e KPF, dhe në vend të anëtarit të dorëhiquar, Hajdar Loku, e caktoj, Avni Tafilin, për anëtar të KPF nga PD, sipas Vendimit 01Nr. 16-25915/2015,

### **Përgjegjësitë;**

Sipas nenit 52.2 të Ligjit Nr.03/L-040 - për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, Kornizën vjetore buxhetore afatmese, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

### **Aktiviteti;**

Sipas Ligjit Për Vetëqeverisjen Lokale dhe Statutit të Komunës, si dhe kompetencave të bartura nga Kuvendi i Komunës (kompetencës për ndërrimin e destinimit të tokës bujqësore në tokë ndërtimore) KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar.

Në këtë drejtim me angazhimin e vet, kjo trupë punuese është munduar të formuloj aso zgjidhje dhe t'i hulumtoj drejtimet me adekuate për zhvillimin e komunës, e më këtë krijimin e kushteve për një jetë sa me të mirë të qytetarëve të komunës. Veprimtarinë e vet

e ka orientuar në fusha të ndryshme të cilat me legjislacionin në fuqi i janë lënë në kompetencë. Kjo veprimtari gjatë periudhës raportuese ishte mjaft e gjërë, paraqitën nevoja të ndryshme dhe ky komitet ka arritur në një masë t'i realizoj detyrat të cilat janë parshtruar, por asesi nuk është i knaqur pasi që nevojat e shumëta të qytetarëve të komunës na bëjnë që edhe më tutje të angazhohemi në zgjidhjen e çështjeve jetike. Aktiviteti i Komitetit për Politikë dhe Financa është zhvilluar në takime të rregullta mujore. Gjatë periudhës raportuese ky komitet ka mbajtur gjithsej 11 mbledhje të rregullta. Mbledhjet e Komitetit për Politikë dhe Financa kanë qenë të suksesshme dhe konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti ka qenë e rregullt. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuara në këtë komitet. Çështjet që kanë qenë në interes të përgjithshëm të komunës kryesisht janë aprovuar njëzëri. Për të gjitha mbledhjet e KPF-a është mbajtur Procesverbal i cili ruhet me pedantëri dhe është transparent në çdo kohë.

Në takimet e KPF-së janë shqyrtuar çështje të ndryshme në interes të komunës. Për çështjet e shqyrtuara në këtë komitet janë marrë edhe vendime adekuate, apo iu kanë rekomanduar organit vendimarrës- Kuvendit të Komunës për shqyrtim dhe vendosje. Për të gjitha çështjet të cilat është dashur të debatoj Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka shqyrtuar 40 çështje për të cilat ia ka Rekomanduar Kuvendit të Komunës marrjen e vendimit adekuat. Duke marrë parasysh natyrën e çështjeve të cilat janë parashtruar ka marrë gjithsej 13 Vendime brenda kompetencave të bartura nga Kuvendi i Komunës, për ndërrimin e tokës bujqësore në tokë ndërtimore, për të cilat paraprakisht ka kërkuar mendimin profesional të drejtorisë përkatëse. Po ashtu në çdo mbledhje të KPF-së është aprovuar Procesverbali i mbledhjes së kaluar të KPF-së. Vlenë për t'u theksuar se për çdo çështje që ka aprovuar ky komitet, është hartuar akti konform Vendimit të KPF-së.

Në takimet e kësaj trupe punuese kanë marrë pjesë, Kryetari i Komunës apo Nënkyetari i Komunës dhe drejtorët e Drejtorive Komunale, të cilët i kanë arsyetuar çështjet e propozuara sipas fushëveprimtarisë së tyre. Ekzekutivi i komunës në mbledhjet e KPF-a ka dhënë edhe Informacione tjera të nevojshme shtesë aty për aty, apo në mbledhjen vijuese në formë të shkruar për çështje të ndryshme dhe sipas kërkesave të KPF-a.

Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. I gjithë materiali i mbledhjes i është dërguar OSBE, të cilët kryesisht i kanë monitoruar mbledhjet. Mbledhjet e KPF-së janë mbajtur me dyer të hapura për medime publike, qytetarë të komunës, OJQ dhe për çdo të interesuar tjetër. Punën e kësaj trupe punuese e ka përcjellë edhe zyrtari për Informim, dhe për aktivitetin e zhvilluar të KPF-a ka bërë një përmbledhje të punimeve të çdo mbledhje dhe të njëjtin e ka plasuar në faqen zyrtare të komunës, duke ia bashkangjitur shkrimin nga një foto të mbledhjes. Ftesa për mbledhje është publikuar çdo herë në faqen zyrtare dhe në tabelë të shpalljeve. Kjo tregon sesa ka qenë transparente kjo trupë punuese ndaj, qytetarëve të komunës mediave, OJQ, etj. për takimet e KPF dhe aktivitetin e saj të zhvilluar përgjatë periudhës raportuese.

### **Çështjet e shqyrtuara;**

Komiteti për Politikë dhe Financa gjatë periudhës raportuese i ka shqyrtuar gjithsej : 47 pikë, pa e përfshirë Procesverbalin e mbledhjes së KPF, i cili ka qenë pikë e parë e rendit të punës në çdo mbledhje. Çështjet që kanë pasur natyrë të njëjtë, si; ndërrim destinimi të

tokës bujqësore në tokë ndërtimore, pastaj, mbrojtja e vlerave të natyrës etj. janë përfshirë në kuadër të një pike. Çështjet e shqyrtuara janë materiale të pregaditura nga shërbimet përkatëse profesionale të komunës. Propozim Vendimet kanë qenë të natyrave të ndryshme. Në kuadër të propozim Vendimeve janë shqyrtuar çështje të cilat kanë të bëjnë me rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Në vazhdim do të i potencojmë çështjet të cilat kanë qenë në shqyrtim të Komitetit për Politikë dhe Financa;

### **Rregullativa normative;**

Në kuadër të kësaj sfare bëjnë pjesë aktet normative të cilat kanë qenë në shqyrtim të kësaj trupe punuese. Në këtë drejtim ky Komitet ka shqyrtuar akte normative të propozuara nga shërbimet përkatëse profesionale, dhe ato:

- Propozim Rregullore për përcaktimin e orarit të punës së subjekteve afariste që afarojnë në territorin e komunës së Kaçanikut,
- Propozim Rregullore për Ndryshim Plotësimin e Rregullores 01Nr. 16-1846/13 për Ndarjen e bursave të studentëve,
- Propozim Rregullore për Ndryshim Plotësimin e Rregullores 01Nr.16-3317/15 se tarifave dhe ngarkesave administrative dhe shërbimeve të tjera komunale,
- Propozim Rregullore për të drejtat, detyrat dhe përgjegjësitë e nxënësve të shkollave të mesme të larta të komuës,
- Propozim Rregullore për vendosjen e tatimit në pronë për vitin 2016,
- Propozim Rregullore për mbrojtjen e të miturve nga dukuritë negative që dëmtojnë shëndetin dhe zhvillimin e tyre,
- Propozim Rregullore për Ndryshim Plotësimin e Rregullores 01Nr.16-3317/15 se tarifave dhe ngarkesave administrative dhe shërbimeve të tjera komunale.

Çështjes së akteve normative në përgjithësi kjo trupë punuese iu kushtuar rëndësi të veçantë, i ka dhënë vërejtjet e saja dhe të njëjtat me Rekomandime të këtij komiteti i janë përcjellë Kuvendit të Komunës për shqyrtim dhe miratim.

Kontribut të veçantë në çështjen e rregullativës normative, KPF-a ka dhënë edhe në Debate publike të organizuara më qytetarë. Vlenë të përmendet se KPF për gjatë vitit 2015, nën organizimin e OJQ- DEMOS, janë mbajtur trajnime për çështje të; buxhetit të komunës, tarifave dhe ngarkesave, çështjen e tatimit në pronë. Në trajnimet e mbajtura janë vërejtur mangësitë në Rregulloren e tarifave dhe ngarkesave dhe të Rregullores së tatimit në pronë, se nuk janë të përfshira të gjitha tarifat që ndikojnë në shtimin e buxhetit të komunës nga të HVK. KPF ka kërkuar nga ekzekutivi i komunës që kur të bëhen rregulloret e reja të identifikohen këto tarifa dhe ngarkesa dhe të njëjtat të futën në rregullore.

### **Draftet-Buxhetore dhe Raportet Financiare;**

Si çdo herë kur janë shqyrtuar çështjet buxhetore edhe në vitin 2015, KPF-a i ka kushtuar rëndësi të veçantë; Kornizën afatmesme të shpenzimeve të komunës së Kaçanikut për vitet: 2016-2018 dhe Buxhetit të Komunës së Kaçanikut, për vitin fiskal 2016 dhe vlerësimet për vitet 2016-2017. Korniza afatmesme e shpenzimeve është dokument fillestar për hartimin e buxhetit të komunës. Dokumentet përcjellëse që i kanë paraprirë hartimit të buxhetit për vitin 2016 janë: Qarkorja e brendshme buxhetore komunale Nr. 2016/01 dhe Qarkorja e brendshme buxhetore komunale Nr.02/2016- kufijtë buxhetor specifik të drejtorive

komunale. Vetëm për Draftin kornizë dhe dokumentet tjera përcjellëse, KPF-a ka debatuar gjerë e gjatë, e ka dhënë mendimin e vet, ndërkaq Draftin Kornizë ia ka Rekomanduar Kuvendit të Komunës për shqyrtim dhe miratim. Për qarkoret buxhetore dhe për draftin kornizë janë mbajtur edhe dëgjime publike me qytetarë, ku përpos organeve të administratës komunale kanë qenë të obliguar të marrin pjesë edhe anëtarët e KPF-a, të cilët në këtë drejtim e kanë dhënë kontributin e tyre.

### **-Projektbugjeti i Komunës për vitin fiskal 2016 dhe kërkesat e projektuara për v.2017 dhe 2018;**

Në këtë dokument, KPF-a i ka dhënë propozimet e veta për projektet që duhet të hyjnë në realizim më buxhetin afatmesëm të komunës për vitet: 2016-2018. Në këtë drejtim Komiteti për Politikë dhe Financa e ka aprovuar Buxhetin e komunës për vitin 2016 në shumë: 6,631,386 €, dhe Projektionet për vitet 2017-2018, në shumat buxhetore : 6,691,700 € € për vitin 2017 dhe: 6,761,056 €€ për vitin 2018. Edhe në këtë plan afatmesëm buxhetor, KPF-a i ka futur synimet e veta për secilën veprimtari konform Statutit të Komunës, dhe çdo herë duke iu dhënë prioritet Listës së Projekteve Kapitale. Në këtë drejtim ka aprovuar një Listë me 48 Projekte Kapitale, duke iu dhënë prioritet atyre projekteve që janë me të nevojshme dhe emergjente për komunitetet, ndërsa ka shprehur paknaqësitë e tij në ndarje shumë të ulët të buxhetit të komunës dhe ka kërkuar me ia bërë me dije qeverisë se pas muajit janar të vitit vijues, komuna e Kaçanikut menjëherë ka me pasur probleme në funksionimin e saj, për shkak të ndarjes së buxhetit të vogël në programe të caktuara buxhetore, përfshirë edhe GQ për projekte kapitale në shumën 1,053,259€ për vitin 2016, e që krahasuar me numrin e popullsisë së kësaj komune më regjistrimet e reja (vitit 2011) dhe nevojave të shumëta të kësaj popullate, GQ për komunën tonë është i vogël. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara sepse disa nga projektet kanë hyrë në listë vetëm sa për t'u koduar, mirëpo gjithëherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë edhe në debatet e organizuara më qytetarë. Pas vlerësimit të thukët nga KPF-a, Projektbuxheti i Komunës për vitin fiskal 2016 dhe Kërkesat e projektuara për vitin 2017-2018, i është përcjellë Kuvendit të Komunës për shqyrtim dhe miratim.

### **Raportet Financiare të aprovuara nga KPF-a;**

- Raportin Vjetor Financiar për vitin e përfunduar më 31 dhjetor 2014,
- Raportin Financiar të Komunës së Kaçanikut, për periudhën: janar-mars, 2015,
- Raportin e realizimit të mjeteve buxhetore për periudhën: janar-qershor,2015,
- Raportin e realizimit të mjeteve buxhetore për periudhën, janar-shtator 2015,
- Raporti Final i Audtit të Përgjithshëm dhe Plani i Veprimit lidhur me Pasqyrat vjetore financiare, për vitin e përfunduar me 31.12.2014;

Të çështja e raporteve financiare vlenë të permendet se, KPF-a, në disa sektorë vlerëson se janë përmbushur objektivat konform planifikimit të të hyrat vetjake komunale, ndërsa në disa sektorë në raport më planifikimin ka qenë më pak i kënaqur dhe këto paknaqësi kjo trupë punuese i ka shprehur tek ekzekutivi i komunës dhe sugjerimet e KPF-a kanë ndikuar në një angazhim më të madh të sektorëve të caktuar që inkasimi i të hyrave vetjake komunale në

sektorë të caktuar të shënoj ngritje, ndërkaq KPF-a e vlerëson lartë reduktimin e shpenzimeve në disa pozicione shpenzuese buxhetore që hyjnë në kuadër të kategorisë buxhetore të; Mallrave dhe shërbimeve, ndërkaq, si çdo vit tjetër, edhe në vitin 2015, Komiteti për Politikë dhe Financa e vlerëson pozitivisht realizimin e të hyrave vetjake nga Tatimi në Pronë, ku përkundër faljes së borgjeve, janë realizuar 1,102 euro me tepër në raport me vitin 2014, ndërsa është pritur ngritje e inkasimit të të hyrave nga lejet ndërtimore, përkudrazi të HVK nga kjo veprimtari kanë shënuar rënie. Në Raportet financiare, vlenë të cekët se KPF-a ka kërkuar sqarime shpesh të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka patur pakjartësi, ndërsa për çdo shpenzim që ka menduar se është i madh apo më pak i arsyeshëm në raport me nevojat të tjera, ka dhënë vërejtjet e tija, ndërkaq i ka mbështetur rekomandimet e Zyrës Gjenerale të Auditorit për zbatimin e rekomandimeve të paraqitura si në raportin e vitit 2014. Kur jemi të raportet financiare, vlenë të përmendet se KPF-a ka kërkuar informacion për procedurat e udhëhequra të tenderimit, ndërkaq kanë sugjeruar Kryetarit të Komunës që Zyra e Prokurimit në bashkëpunim me drejtoritë përkatëse komunale të angazhohen lidhur me projektet për të cilat janë zhvilluar procedurat tenderuese, të realizohen në afatet e përcaktuara kohore, ashtu siç e parasheh Ligji i Prokurimit Publik, në mënyrë që mos të ngelin mjete në suficit buxhetor.

#### **-Propozim Vendimet për çështje financiare;**

Propozim Vendimeve për çështje financiare, KPF-a iu ka kushtuar një rëndësi e veçantë, në këtë drejtim në pamundësi të realizimit të disa projekteve kapitale apo çështje të tjera, Në këtë drejtim ka intervenuar në mjetet që nuk kanë arritur të realizohet sipas Listës së projekteve kapitale për vitin 2015, për t'i bartur në ndonjë projekt tjetër kapital, ndërkaq me qëllim që mos të ngelin mjete buxhetore në suficit, KPF ka aprovuar Propozim Vendimi për rialokimin dhe transferin e mjeteve të projekteve kapitale sipas buxhetit të vitit 2015. Nga kategoria e Subvencioneve dhe Transfereve ka lejuar mjete buxhetore për realizimin e projekteve të drejtorisë së Arsimit dhe Kulturës, dhe të Projekteve të drejtorisë së Bujqësisë, Zhvillimit Rural dhe Pyltarisë, me një shpërndarje për projekte sipas Planit buxhetor të propozuar nga këto drejtori, ndërkaq masën drusore të konfiskuar ka vendosur me ua ndarë shkollave, në mënyrë që mjetet e parapara për blerjen e druve për shkolla të destinohen menagjimin e pikës referuese për mbrojtjen e pyjeve. Në aspektin e çështjes buxhetore KPF-a iu ka kushtuar rëndësi të veçantë ndarjes së bursave të studentëve. Për këtë çështje ka debatuar në dy takime, dhe në këtë drejtim ka aprovuar propozim vendimin që për vitin akademik 2014/2015, të ndahen 50 bursa për studentë me nga 40 €, Gjithashtu rëndësi e veçantë në shpërndarjen e subvencioneve të DAK iu është dhënë kompenzimit të udhëtimeve të nxënësve të shkollave të mesme.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar. Për të gjitha këto çështje, janë dhënë vërejtjet dhe sugjerimet nga KPF-a dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

KPF, pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve: Ndërtimit të Palestrës Sportive, dhe Ndërtimi i Stadiumit të qytetit "Besnik Begunca", dhe Ndërtimi i objektit shëndetësor të QKMF .

Nga çështjet financiare ka aprovuar këto propozim vendime:

1. Propozim Vendimi për lejimin e mjeteve financiare nga kategoria e subvencioneve dhe transfereve, për realizimin e projekteve të DAK;
2. Propozim Vendimi për bartjen e mjeteve vetanake të pashpenzuara në buxhetin e komunës për vitin 2015;
3. Propozim Vendimi për ndarjen e mjeteve për subvencione dhe transfere sipas buxhetit të komunës për vitin 2015;
4. Propozim Vendimi për destinimin e mjeteve financiare për realizimin e projekteve të drejtorisë së BZHRP të parapara me buxhetin e vitit 2015;
5. Propozim Vendimi për rregullimet buxhetore të pagave dhe mëditjeve sipas buxhetit të komunës për vitin 2015,
6. Propozim Vendimi për ndryshim plotësimin e Vendimit 01Nr. 400-2428/15 për realizimin e projekteve të drejtorisë së Arsimit dhe Kulturës.
7. Korniza afatmesme buxhetore e komunës së Kaçanikut, për vitet 2016-2018;
8. Propozim buxheti i komunës, për vitet, 2016-2018;
9. Plani i Veprimit për rekomandimet zbatuese në raportin vjetor të auditimit 2014;

#### **Propozim Vendimet për çështje tjera më rëndësi për komunën;**

1. Propozim Vendimi për shfuqizimin e Vendimit të Kuvendit të Komunës, 01Nr. 463-11 të datës 20 shkurt 1986, për dhënien në shfrytëzim të përhershëm pasurinë e paluajtshme, Organizatës Punuese “Saniteks” nga Klladusha e Madhe, pa kompensim.
2. Propozim Vendimi për vërtetimin e interesit të përgjithshëm publik, për vazhdimin e ndërtimit –rregullimin e shtratit të lumit Nerodimja në Kaçanik;
3. Propozim Vendimi për dhënien e Pëlqimit kompanisë “AFA ENERGY” sh.p.k nga Prishtina, për ndërtimin e Hidrocentralit 2.4 MW në vendin, Reka e Kotlinës në f. Kotlinë;
4. Propozim Vendimi për dhënien e Pëlqimit kompanisë “2 Korriku” sh.p.k nga fsh. Soponicë, për ndërtimin e Hidrocentralit “ Soponica” me kapacitet 1.3 MW në lumin Lepenc në fshatrat, Soponicë dhe Doganaj; dhe
5. Propozim Vendimi për vërtetimin e interesit të përgjithshëm publik, për vazhdimin e ndërtimit –rregullimin e shtratit të lumit Lepenc në Kaçanik;
- 6.. Propozim Vendimi për caktimin e lokacionit për vendosjen e shtatores së Qamil Ilazi – “ Komandant Bardhit”;
7. Propozim Vendimi për formimin e komisionit për dhënien e pronës publike të komunës në shfrytëzim.
8. Propozim Vendimi për dhënien e Pëlqimit kompanisë projektuese inxhinierie ndërtimore nga f. Elezaj, për ndërtimin e Hidrocentralit 2.4 MW në vendin, Kriva Reka në Z.K Kaçanik;
9. Propozim Vendimi për formimin e komisionit të ankesave të palëve në procedurën e dhënies në shfrytëzim të pronës së paluajtshme të komunës;
10. Propozim Vendimi për ndarjen e masës drusore të konfiskuar, shkollave.
11. Propozim Vendimet për mbrojtjen e vlerave të natyrës(14)
12. Propozim Vendimi për themelimin e vendgjutive të përbashkëta në komunën e Kaçanikut,

Propozim vendimet e propozuara kryesisht janë të një rëndësie të veçantë, sidomos projektet për ndërtimin e hidrocentraleve, sepse me realizimin e tyre në njërin anë

prodhohet energji elektrike dhe në anën tjetër, krijohen mundësitë për punësim të qytetarëve të komunës tonë. Gjithashtu është në interes të komunës edhe rregullimi i shtrateve të lumenjëve në komunën tonë, me çka mbrohet qyteti nga vërshimet në njëërën anë dhe në anën tjetër i shtohet pamje me e bukur qytetit të Kaçanikut, për qytetarë dhe vizitorë. Edhe caktimi i lokacionit për vendosjen e shtatores së Qamil Ilazi – “ Komandant Bardhit” KPF e ka vlerësuar vendin e qëlluar, sepse projekti në fjalë-vendosja e shtatorëve të komandantëve në radhë në të njëjtin lokacion, e përqendron vemendjen për vizitorë nga Kosova dhe nga jashtë për komandantët e rënë dëshmorë të kombit në luftën e UÇK, nga komuna e Kaçanikut, dhe me ngritjen e shtatorës së komandantit në lokacionin e caktuar bëhet edhe rregullimi i ambientit të asaj pjese të qytetit, me çka i jep një pamje të bukur asaj pjese të qytetit. Edhe çështjes së pronave të komunës, KPF iu ka kushtuar rëndësi të veçantë, në këtë drejtim ka aprovuar propozim vendimin 01Nr. 463-11 të datës 20 shkurt 1986, për dhënien në shfrytëzim të përhershëm pasurinë e paluajtshme, Organizatës Punuese “Saniteks” nga Klladusha e Madhe, pa kompensim. Kur jemi të paluajtshmëria e komunës, KPF ka aprovuar dy propozime vendime për formimin e komisioneve për dhënjën e pronave të komunës, në shfrytëzim. Për të gjitha këto çështje nga 1-12, KPF ka debatur gjerë e gjatë, ka kërkuar mendimin profesional nga shërbimet përkatëse profesionale, dhe të njëjtat me Rekomandime të KPF iu kanë proceduar KK për shqyrtim dhe aprovim

#### **Vendimet;**

Komiteti për Politikë dhe Financa, në kuadër të fushëveprimtarisë së vet ka marrë 13 vendime për ndërrimit të destinimit të tokës bujqësore, në tokë ndërtimore, ndërkaq KPF-a sa herë që i adresohen propozim vendime të kësaj natyre, sugjeron ekzekutivit të komunës që të kenë kujdesë për mos cenimin e Planet zhvillimore të komunës në njëërën anë dhe në anën tjetër, të ruhet tokat bujqësore, sepse fondi i tokave bujqësore në komunën e Kaçanikut është shumë i vogël.

#### **Planet dhe Raportet e Punës dhe çështje të tjera;**

Nga Planet dhe Raportet e Punës kjo trupë punuese ka vënë në shqyrtim;

- Raportin e punës së ekzekutivit të komunës për periudhën, janar-dhjetor, 2014,
- Planin e Punës së Ekzekutivit të Komunës për vitin 2015,
- Raporti i Punës së Komitetit për Politikë dhe Financa për vitin 2014;
- Planin e Punës së Kuvendit të Komunës për vitin 2015,
- Planin e veprimt lokal për riintegrim,
- Plani strategjik i veprimt të grupit të grave për vitin 2015,
- Planit të Punës së Kuvendit të Komunës, për vitin 2016,
- Draft Plani për Ri-integrimin e personave të ri-atdhesuar;
- Informatë për përfundimin e vitit shkollor 2014/2015,
- Informatë për realizimin e vendimit për sistemin e adresave-emërtimin e rrugëve, vendosja e tabelave të rrugëve në komunën e Kaçanikut;
- Çështje të tjera me rëndësi për komunën.

KPF-a i ka shqyrtuar në detaje të gjitha raportet dhe planet e punës të potenuara si më lartë, ka dhënë vërejtjet dhe sugjerimet e veta dhe të njëjtat ia ka rekomanduar Kuvendit të Komunës në procedurë për shqyrtim dhe aprovim. Të çështja e arsimit, KPF ka shprehur paknaqësitë e tija lidhur me rezultatet e treguara në provimin e maturës të SHMP “ Feriz

Guri dhe Vëllëzërit Çaka” ndërkaq ka sugjeruar DAK, të gjejë forma për uljen e mungesave të nxënësve dhe arsimtarëve në shkolla, ndërkaq ka identifikuar nevojen për ngritjen e cilësisë në arsim, përmirësimin e infrastrukturës së objekteve shkollore, etj.

Të çështja e emërimit të rrugëve, është dhënë një Informatë në bazë të kërkesës së një delegati të KPF, sepse ka pasur paknaqësi në procesin e emërimit të rrugëve lokale. Kjo çështje ka mbetur të vëhet në shqyrtim pasi të kompetohen Kërkesat dhe Ankesat, vetëm të ato rrugë ku ka paknaqësi të komuniteteve.

Me qëllim të sanimit të rrezikut, KPF ka kërkuar që komuna për çdo vit të ndajë “Fond Emergjent”, me qëllim që në rast të ndonjë fatkeqësie natyrore etj. të intervenohet me fondin e ndarë.

Punët dhe detyrat e punës së KPF-a përgatiten nga një zyrtar i punësuar në Shërbimin për punë profesionale të kuvendit të Komunës. Me angazhimin e këtij zyrtari përgatiten mbledhjet e KPF-a, përgaditet materiali i nevojshëm, përpilohet; Procesverbali i mbledhjes, Vendimet dhe shkresat tjera të dalura nga mbledhjet e kësaj trupe punuese dhe të njëjtat arkivohet për nevojat e Shërbimit Civil të Komunës. Të njëjtat punë Ky zyrtar i kryen edhe për Kuvendin e Komunës dhe për Komitetin për Komunitete.

#### **Përfundim**

Komiteti për Politikë dhe Financa është i vetëdijshëm se gjatë periudhës raportuese nuk ka qenë në gjendje të realizoj të gjitha synimet e veta në drejtim të zgjedhjes së çështjeve si pasojë e së kaluarës dhe me një buxhet të limituar, por angazhimi i tyre jep shpresë se në një të ardhme të afërt dhe me një angazhim permanent në gjetjen e donacioneve etj. gjendja do të përmirësohet. Komiteti për Politikë dhe Financa vlerëson të mira dhe efikase shërbimet e administratës komunale, respektivisht Qendrës për Shërbim të Qyetarëve, ndërkaq shpreson se do të arrihen rezultate në procesin e Legalizimit të objekteve pa leje- proces ky i cili ndikon edhe në rritjen e buxhetit nga të hyrat vetijake komunale. KPF është i mendimit se veprimtarinë e vet në të ardhmën do t’a orientoj në arritjen synimeve në realizimin e projekteve kapitale më rëndësi ekonomike, duke u bazuar në Planin Zhvillimor Urban dhe në Planin Zhvillimor Komunal dhe realizimin e projekteve kapitale më prioritet sipas Listës së aprovuar për vitin 2016, ndërkaq vlerëson se ka nevojë të bëhet më tepër në këto segmente:

Zhvillimin ekonomik të komunës, Zbutjen e papunësisë, Ngritjen e mirëqenjes sociale, Kujdesin primar shëndetësor, Ngritjen e cilësisë në arsim, Përfundimin e projektit të QKMF, Përmirësimin e infrastrukturës shkollore, Ndërtimin e objekteve shkollore të reja, ndërtimin e katit të dytë të SHMP” Feriz Guri dhe Vëllëzërit Çaka”, Përfundimin e objekteve kulturore dhe sportive; Halles së sporteve dhe të Stadiumit të qytetit, Ofërimin e Shërbimeve publike sa më cilësore, Nevojën për shtimin e subvencioneve dhe transfereve në arsim, shendetësi dhe bujqësi, Përmirësimin e infrastrukturës fizike (rrugë, ujësjellës dhe kanalizim), Mbrojtjen e ambientit, Zbatimin e rregullave të ndërtimit sipas standardeve, etj.

Shkurt, 2016.

Për Komitetin për Politikë dhe Financa,  
Kryesuesi i Kuvendit, Xhelal Gashi





**Republika e Kosovës**  
**Republika Kosova**  
**Republic of Kosovo**



**Komuna Kaçanik**  
**Opština Kacanik**  
**Municipality Kacanik**

**01 Nr. 16-4955/16**  
**Kaçanik, 15.02.2016**

Në bazë të nenit 57.1 dhe 57.2 të Rregullorës për Punë të Kuvendit, në çështjen e shqyrtimit të Raportit të Komitetit për Politikë dhe Financa për vitin 2015, Kuvendi i Komunës Kaçanik në mbledhjen e vet të mbajtur më datë 15.02.2016, mori këtë:

**VENDIM**  
**PËR APROVIMIN E RAPORTIT TË KOMITETIT PËR POLITIKË DHE**  
**FINANCA PËR VITIN 2015**

1. Me këtë Vendim, Aprovohet Raporti, **01 Nr. 16-4955/16** më tekstin e mëtejshëm, "Raporti i Komitetit për Politikë dhe Financa, për vitin 2015", i hartuar nga Komiteti për Politikë dhe Financa.
2. Raporti si në pikën 1. të këtij Vendimi, përmban pikësynimet në lidhje me realizimin e detyrave nga fushëveprimtaritë që janë në kompetencë të Komitetit për Politikë dhe Financa (KPF) dhe nivelin e realizimit të tyre, për aktivitetin e zhvilluar për gjatë vitit 2015.
3. Raporti i KPF përmban gjithsej 9 faqe dhe i njëjti është pjesë përbërse e këtij Vendimi.

**Me këtë Vendim njoftohet:**

1. Komiteti për Politikë dhe Financa,
2. Kryetari i Komunës, dhe
3. Arkivi.



Kryesuesi i Kuvendit,  
Xhelal Gashi



**Republika e Kosovës**  
**Republika Kosova**  
**Republic of Kosovo**



**Komuna Kaçanik**  
**Opština Kacanik**  
**Municipality Kacanik**

**01 Nr. 16-4955/16**  
**Kaçanik, 15.02.2016**

Në bazë të nenit 57.1 dhe 57.2 të Rregullorës për Punë të Kuvendit, në çështjen e shqyrtimit të Raportit të Komitetit për Politikë dhe Financa për vitin 2015, Kuvendi i Komunës Kaçanik në mbledhjen e vet të mbajtur më datë 15.02.2016, mori këtë:

**VENDIM**  
**PËR APROVIMIN E RAPORTIT TË KOMITETIT PËR POLITIKË DHE**  
**FINANCA PËR VITIN 2015**

1. Me këtë Vendim, Aprovohet Raporti, **01 Nr. 16-4955/16** më tekstin e mëtejshëm, "Raporti i Komitetit për Politikë dhe Financa, për vitin 2015", i hartuar nga Komiteti për Politikë dhe Financa.
2. Raporti si në pikën 1. të këtij Vendimi, përmban pikësynimet në lidhje me realizimin e detyrave nga fushëveprimtaritë që janë në kompetencë të Komitetit për Politikë dhe Financa (KPF) dhe nivelin e realizimit të tyre, për aktivitetin e zhvilluar për gjatë vitit 2015.
3. Raporti i KPF përmban gjithsej 9 faqe dhe i njëjti është pjesë përbërse e këtij Vendimi.

**Me këtë Vendim njoftohet:**

1. Komiteti për Politikë dhe Financa,
2. Kryetari i Komunës, dhe
3. Arkivi.

Kryesuesi i Kuvendit,  
Xhelal Gashi